



PARLAMENTO
NACIONAL

República Democrática de Timor-Leste

Secretariado Geral

Direção de Comunicação

Divisão de Relações Públicas, Comunicação e Educação Cívica

OGE 2020 la aprovado iha Parlamento Nacional



Orçamento Geral de Estado 2020 nian, la consegue aprovado iha Parlamento Nacional, iha loron 17 fulan janeiro tinan 2020, hafoin liu hussi discussão naruk durante loron tolu nia laran.

Proposta OGE ba 2020 ho total \$1.668 milhões de dólares americano ne'ebé fahe ba rubrica hanessan; Salários e Vencimentos, \$235,610; Bens e Serviços, \$582,300; Transferências Públicas \$329,706; Capital Menor, \$31,548 no Capital de Desenvolvimento \$488,837.

Durante discussão Deputado sira apresenta preocupação barak relaciona ho plano no programa Governo nian liga ba OGE 2020, oinsá acelera desenvolvimento nacional, sorin seluk, Deputado sira mós apresenta dados sira kona-ba desenvolvimento sira no receitas ho nia gasto sira.

Primeiro-Ministro, Taur Matan Ruak, ho nia membro do Governo sira explica plano no programa sira Governo nian ne'ebé sei realiza iha tinan 2020, liu hussi setor prioridade sira.

Ho discussão naruk, durante loron tolu, Parlamento Nacional la consegue aprova OGE 2020 liu hussi votação 13 votos a favor, 15 contra no 25 abstenções.

Mas que nune'e iha declaração de voto, Deputado sira continua fó confiança ba Primeiro-Ministro hodi soluciona situação refere hodi labele implica ba desenvolvimento nacional.

Discussão ne'e preside hussi Presidente do Parlamento Nacional, Arão Noé de Jesus da Costa Amaral, acompanha hussi membro Mesa sira, no hetan Presença hussi Primeiro-Ministro, Taur Matan Ruak, ho nia membro Governo sira.

Parlamento Nacional

Chefe da Divisão de Relações Públicas, Comunicação e Educação Cívica

Dionísio de Jesus Lopes

Email: Dionisio.lopes@parlamento.tl

Relacoespublicas.dirpec@gmail.com